

Dlijia da Oies: Pater Jan præia duc, chi che pó, a gní a puzené la dlijia sö Oies en vëndres ai 10 de jügn.



En domënia, ai 05.06.2016 complësc **Paola Piccolruaz** da Alfarëi 90 agn. L'Seniorenclub y düta la Comunité ti aoda düt l'bun, sanité y benedisciun de Dî.

Conzert: la Scora de musiga inviëia duc al **conzert de conclujiun** a Al Plan en lönesc ai 6 de jügn 2016 dales 18:00 tl salf dles manifestaziuns. Al sará da aldí melodies y toc musical portá dant dai scolars.


De dla porta daverta dla scora mesana dl Istitut Cör de Gejú a Mühlbach cun internat por mitans: en sabeda ai 11 de jügn dales 09:00 ales 12:00.

„Marcia Francescana“: sciöche dagnara sarála ince chësc ann y plö avisa dai 25.07. ai 04.08.2016. Prenotaziuns y informaziuns al nr. 43/676 6245808 o email stefan.kitzmueller@franziskaner.at cina ai 11.07.2016.



ER

wohnt im Wein deiner Kelche
und im weißen Brot auf deinen Altären.



Plata dla Ploania Badia

San Iaco - San Linert

Ploan: Siur Iaco Wendelin Willeit
Calonia Badia: 0471/839571
E-Mail: parrocchiabadia@libero.it
Radio dla Ploania: 91,10 Mhz

UNITÉ PASTORALA



www.unitepastorala.org

Ann C 29.05. - 05.06.2016 Festa dles Antlés n. 27

CORPUS DOMINI

*Lalda, Sionn, festejëia:
To famëi te pascentëia
y pro l'ega te condüj!*

*Süa bunté t'acompagnëia,
süa parora confidënta
te lomina sön tü trus.*

(Secuënza)



Vangele dla domënia che vëgn - Festa de Cör de Gejú Luca 15, 3-7

Te chël tēmp ti á Gejú cunté ai farisës y ai studiá dla lege na parabola y á dit:
Sce un de os á cënt bisces y nen perd öna, ne lascel nia les nonantenü tla stēpa y ti vá do ala pordüda cina ch'al la ciafa? Y canch'al l'á ciafada, la tólel plëgn de ligrëza sön sües sciabes y canch'al röia a ciasa, chërdel adöm sü amisc y sü vijins y ti dij: Ralegresse cun me; i á indô ciafé mia biscia che è pordüda.
I ves diji: Insciö regnaral ince tl cil deplü ligrëza por un n piciaú su che dá ota, co por nonantenü iüsc, che n'á nia debojëgn de dé ota.

FUNZIUNS SACRES

29.05. **FESTA dles ANTLÉS – “CORPUS DOMINI”**

- 09.00** Mëssa solena ciantada
Prozesciun Eucaristica cun 2 Vangeli
- 18.00 †ta Silvana Perini
vis y †ti de Angela Costa
por fam. Franz y Lidia Pedratscher en rengraz.

30.05. Lünesc

- 19.30 *Devoziun de ma (arjignada ca dai scolars)*

31.05. Mertesc

- 19.30 †ti Pitscheider da Ruac
†ta Rosina Pescosta
†ta Paola Valentin da Pransarores

01.06. Mercui - *Mëssa cun i scolars*

- 05.30 *Mëssa por jënt che vëgn dal'Indonesia*
- 07.30 †to Hermann Irsara dl Gran Ander
†ti Andrea, Maria y Milio Clement
†to Sepl Anvidalfarei

02.06. Jöbia - *Mëssa cun i crejimá y studënc*

- 19.30 †ti Pizzinini de Crafonara
†ti dla fam. Ferri
por fam. Lois y Erna Valentin en rengraziamënt

03.06. Vëndres - **Sacher Cör de Gejú** – Prüm vëndres dl meis

- 07.30 †ti fredesc Pitscheider da Oies
†ta Clara Pescoller
por les animes dl purgatore

04.06. Sabeda - S.Cör de Maria

- 16.00 Mëssa a Oies

05.06. **FESTA dl SACHER CÖR de GEJÚ**

- 09.00** Mëssa solena ciantada
Prozesciun Eucaristica cun 2 Vangeli
- 18.00 †to Otto Clement – aniversar y
por i novic Thomas Ploner y Katrin Clement
†to Lois Frena – aniversar
†to Valire Moling – aniversar *(al cianta l'cor Philia)*



Dala VITA dla CÜRA



Recordun che en la Festa de Cör de Gejú sará la mëssa grana, sciöche en la Festa dles Antlés, bele dales **09:00**.

Comuniun ai amará: siur Degan jará a proveder en vëndres, ai 3 de jügn dales 09:30 inant.

Festa di iubilars de matrimone: lasciun bel sëgn alsavëi che chësta festa sará la domënia, ai 23 de otober 2016.

La uniun dles ëles inviëia dütes ala **gita da aisciüda** al Santuar de Unsere Liebe Frau im Walde (nia a S.Romedio sciöche söl ultima plata) en lünesc ai 06 de jügn. Piun ia dales 07:30 da Pedraces demez. Por prenotaziuns y informaziuns telefonede a Roberta al nr. 338 3852548 domisdé o da sëra.

Lites dl Consëi de Cüra

Le Consëi de Cüra s'á abiné ai 10 de ma y á baié particolarmënter sura les lites, che sará ai 23 d'otober 2016. Le dërt da lité y gní litá á düc chi che á compli i 16 agn, che fej pert dla comunité dla dljia, che é stá proponüs regolarmënter y che á aconsentí ala candidatöra. La sinoda á fat fora, che dlungia i membri che vëgn litá, fajará pert dl Consëi nü porsones delegades. Chëstes é porsones responsables y portades al sorvisc pastoral. Al stá al Consëi fá fora avisa tan y fora de ci setur pastoral che chisc mëmbri vëgn. I delegá dess ester porsones competëntes y reconosciüdes tla Cüra. I delegá de nosc Consëi gnará fora dla Uniun dles ëles, di ëi, di jogn, dla caritas y dles catechistes di Sacramënc. Le Consëi ti lasciará spo alsavëi ala comunité i inoms di delegá che fajará pert zënza gní litá y le numer di mëmbri che mëss gní litá. Chi ch' é interesciá a fá pert dl Consëi de Cüra nü, dess bel sëgn se fá n pinsier y contaté valgügn dl Consëi de Cüra. Ala fin dla perioda dla legislatüra, che á duré 6 agn, gnará fat ai 27 de setëmber na incuntada dl Consëi cun düta la comunité.